

Nuuk 27. november 2008

TUSAGASSIUTITIGUT NALUNAARUT

27.nov.2008 ullaakkut radioavisi aqutigalugu illua tungiliuttunit nalunaarutigineqarpoq Siumukku Atassutikkullu arlaannaannulluunniit attuumassuteqanngitsunik Ilinniartitaanermut Naalakkersuisumut misissuititsinissamik itigartitsisimanerarlugit, tusagassiutinut nalunaarutaanni naalakkersuisoqarfimmi sulisut ilanngullugit ajortuliorsimanerarlugit nuna tamakkerlugu nalunaarutigineqarput.

Tallimangorneq 14.nov.2008 Demokratit Ilinniartitaanermut Naalakkersuisumut Inatsisartut suleriaasianni § 51 naapertorlugu tatiginnikkunnaarluni aalajangiiffigisassatut siunnersuummik saqqummiussipput, IA-kkut taanna qallerlugu misissuititsinissamik aalajangiiffigisassatut siunnersuut qaqippaat, taamaalilluni tatiginnikkunnaarluni taasititsinissaq IA-kkut allamik siunnersuuteqarnerisigut maangaannartinneqarpoq, IA-kkut siunnersuutaata taasissutigineqarnerani isumaqataasut isumaqataannngitsullu naligiinnerisigut siunnersuut malittarisassat malillugit ingerlaqqinngitsoorpoq, taamaattumillu misissuititsinissaq Inatsisartut ataatsimiittarfianni aalajangiineq naapertorlugu ingerlaqqinngitsoorpoq.

Siumumiit akuerisinnaangilarput Inatsisartut suleriaasiat naapertorlugu suliaq suliarineqarsimasoq sakkugalugu inunnik ataasiakkaanik Naalakkersuisoqarfimmilu sulisunik pasilliilluni torinngitsumik saqqummiussineq. Inatsisartut suleriaasaat tunngavigalugit ataqqillugillu Inatsisartut sulissapput, Inatsisartullu aalajangigaat ataqqillugu. Tamanna aamma siulittaasoqarfimmut atuuppoq.

Inussiarnersumik inuulluaqqusilluta

Otto Jeremiassen
Siumut Gruppiata Siulittaasua

Lars-Emil Johansen
Politikikkut oqaaseqartartoq